

Акафист святой преподобномученице великой княгине
Елисавете.

Кондак 1

Избранная от рода державнаго дочь Церкви Русския, любовью изобильною и милосердием Бóгу и ближним дóбре послужившая, за веру во Христа Гóспода нашего дýшу свою положившая и венцем славы Христо́вы украшенная, восхваляюще подвиги и страдания тво́я, с любовью воспеваем ти си́це: Ра́дуйся, благовёрная княгине Елисавето, преподобномученице достосла́вная.

Икос 1

А́нгельским попечением хранимая и ма́терию твоёю благоче́стию поучаемая, в трудех, моли́твах и ми́лостыни измлада о́браз добродетельнаго жити́я явила еси́. По кончи́не же ма́тере твое́я и ближних сродников крестный путь, Гóсподем заповеданный, уразумела еси́. Те́мже, дивя́щаяся таковому́ от юности твоему́ избра́нию, со умиле́нием взыва́ем ти:

Ра́дуйся, от юности Христа́ возлюбившая;
ра́дуйся, во младости нача́тки благоче́стия
при́ймшая.

Ра́дуйся, Христо́ва а́гнице избра́нная;
ра́дуйся, страх Божий в душе восприявшая.

Ра́дуйся, добродетели ма́тере твое́я
наследствовавшая;

ра́дуйся, трудолю́бию и милосердию ёю наученная.

Ра́дуйся, се́рдцем в Бóзе утверждённая;

ра́дуйся, с верою и упова́нием крест твой понёсшая.

Ра́дуйся, земли́ от́чества твоего́ цвѣте
благоуханный;

ра́дуйся, чистото́ю жи́зни твоея́ Небеса́
возвесели́вшая.

Ра́дуйся, на служ́ение стра́ждущим Бо́гом
избра́нная;

ра́дуйся, пред Го́сподем о нас тѣплая моли́твеннице.

Ра́дуйся, благове́рная княги́не Елисавето́,
преподобному́ченице достосла́вная.

Кондак 2

Ви́де Госпо́дь благо́е се́рдца твоего́ изволе́ние, я́ко
возжел́ела еси́ жити́е проводи́ти во благо́честии и
чистоте́, к неб́сней красоте́ о́чи се́рдца твоего́
устремля́ющи и любóвь к Бо́гу в себѣ возгрева́ющи.
Моли́твами твои́ми и на́ша се́рдца то́ю же любóвию
просвети́, да с тобо́ю воспой́м Бо́гу: Аллилу́иа.

Икос 2

Ра́зум просвещен иму́щи и все упова́ние на Бо́га
возложивши, не убо́ялася еси́, свята́я Елисавето́,
оста́вити дом отца́ твоего́ и в но́вое От́чество вселит́ися,
егда́ бра́ком сочета́лася еси́ с росси́йским вели́ким
князем Серге́ем. Мы же с любóвию взыва́ем ти си́це:

Ра́дуйся, от За́пада на Восто́к приш́едшая;

ра́дуйся, в но́вом От́чествии един́ение с Цѣрквию
обрѣтшая.

Ра́дуйся, за́поведи Госпо́дни испóлнити
возжел́евшая;

ра́дуйся, в се́рдцах на́ших по Бо́зе ревнов́ание
воспламеня́ющая.

Ра́дуйся, в супру́жестве целому́дренне пожив́шая;

ра́дуйся, в добродѣлани́и нас наставля́ющая.

Ра́дуйся, благове́рная княги́не, странé нашей ве́рно
послужившая;

ра́дуйся, супру́гу твоему́ в де́лах благих мудрая
помощнице.

Ра́дуйся, семейств благочестивых покрови́тельница;

ра́дуйся, матери́нскою любóвию нас согрева́ющая.

Ра́дуйся, красо́тою душе́вною и телéсною всех
удивля́ющая;

ра́дуйся, всего́ ми́ра христиа́нского украше́ние.

Ра́дуйся, благове́рная княги́не Елиса́вето,
преподобному́ченице достосла́вная.

Кондак 3

Си́лою Божéственныя благода́ти ко спасéнию
умудре́нная, позна́ла еси́ ве́ру и́стинную, княги́не
ми́лостивая Елиса́вето. Темже, во Святе́й Земли́
пребыва́ющи и в желáнии сердца́ своего́ прияти
Православие укрепивши́ся, воспéла еси́ просвети́вшему
тя Бо́гу: Аллилу́иа.

Икос 3

Иму́щи се́рдце, до́брей земли́ подо́бное, ве́ру
правосла́вную удо́бь восприя́ла еси́, те́мже Свята́го
Миропома́зания и причаще́ния Святы́х Христо́вых Тайн
в пра́здник Воскре́шения пра́веднаго Ла́заря сподо́билася
еси́. Мы же, сла́вяще просвещéние твоé благода́тию
Свята́го Ду́ха, велича́ем тя:

Ра́дуйся, от заблужде́ний отрékшаяся;

ра́дуйся, ве́ру правосла́вную приемшая.

Ра́дуйся, помáзанием Свята́го Ду́ха запечатле́нная;

ра́дуйся, с Це́рквию и́стинною воссоедине́нная.

Ра́дуйся, святе́й пра́ведней Елиса́вете тезоимени́тая;

ра́дуйся, в по́двизех ей усéрдно подража́вшая.

Ра́дуйся, сыновомъ Запа́да путь к ѳстинней вѣре
показу́ющая;

ра́дуйся, от благочестѣвыхъ люде́й россі́йскихъ
любо́вию почита́емая.

Ра́дуйся, мѣлостивая ма́ти, мѣлость у Владѣ́ки и
Го́спода обрѣ́тшая;

ра́дуйся, и о нашемъ поми́ловании усѣ́рдно
моля́щаяся.

Ра́дуйся, светъ Божѣ́ственный в се́рдце своѣ́мъ
носи́вшая;

ра́дуйся, тьму жи́зни на́шея све́том Христо́выхъ
за́поведей оза́ряющая.

Ра́дуйся, благове́рная княги́не Елиса́вето,
преподобномученице́ достосла́вная.

Кондак 4

Бу́ря зло́бы врага́ ро́да челове́ческаго не поколеба́
тя, свята́я, егда́ благове́рный супру́г твой внеза́пную
смерть от убѣ́йцъ злонра́вныхъ восприя́т, ему́же
сострада́ющи, ве́лие му́жество и христиа́нскую любо́вь
явила́ еси́, о пока́янии же убѣ́йцъ моля́щаяся, твори́ла еси́
песнь: Аллилу́иа.

Икос 4

Слы́шавше россі́йстии лю́дие о уби́ении супру́га
твоего́, моля́ху Бо́га, да укрепѣ́тъ тя, свята́я Елиса́вето, в
несѣ́нии ско́рби се́я. Ты же, ева́нгельскою любо́вию
дви́жима, в темни́це убѣ́йцу посети́ла еси́, к пока́янию
его́ подвиза́ющи и моли́твы возно́сящи ко Го́споду о
про́щении его́. Сего́ ра́ди приими́ от насъ, недосто́йныхъ,
похва́лы сия́:

Ра́дуйся, за́поведь Христо́ву о любви́ ко враго́мъ
испо́лнившая;

ра́дуйся, уби́йцу супру́га твоего́ ева́нгельски
прости́вшая.

Ра́дуйся, мно́зи ско́рби и бе́ды претерпе́вшая;
ра́дуйся, в скорбех и печалех нам помога́ющая.

Ра́дуйся, заблуждших на путь и́стины и покая́ния
наставля́ющая;

ра́дуйся, о поми́ловании грѣшных тѣпле
ходата́йствующая.

Ра́дуйся, во тьме печале́й све́том наде́жды нас
озаря́ющая;

ра́дуйся, путево́дная звездó всем спасе́ния ча́ющим.

Ра́дуйся, окамене́нныя сердца́ на́ша во умиле́ние
приводя́щая;

ра́дуйся, о всякой ско́рби на́шей Христа́ умоля́ющая.

Ра́дуйся, злобу́ ми́ра добро́м побежда́вшая;

ра́дуйся, лю́дем росси́йским лю́бовь и́стинную
показав́шая.

Ра́дуйся, благове́рная княги́не Елиса́вето,
преподобно́мученице досто́славная.

Кондак 5

Боготѣчная звезда́ явилася еси́ в землі Росси́йстей,
святая́ Елиса́вето, егда́ бога́тство и сла́ву яко́ прах
вмени́вши, в руке́ Божии́ жизнь свою́ предала еси́, Крест
Господень выну пред очима́ имущи. Темже, молитвою́ и
делы́ милосердия́ Богу́ угодивши, днесь в радости́ Ему́
поеши: Аллилу́ия.

Икос 5

Ви́девше тя лю́дие богоспаса́емаго гра́да Москвы́
дѣвную́ устройте́льницу оби́тели милосе́рдия,
возра́довашася, яко́ мно́зи жены́, дѣвы́ и ста́рицы
росси́йстии обрето́ша zdé тѣхое́ и душеспаси́тельное

пристанище, подражающе святым женам-мироносицам
Марфе и Марии в служении Богу и ближним. Сего ради,
прославляюще тя, глаголем сие:

Радуйся, среди славы земной суеты мирского жития
уразумевшая;

радуйся, имение свое раздавшая и нищету Христову
возлюбившая.

Радуйся, град Москву обителию дивною
украшившая;

радуйся, благое иго Христово на рамо воспринимшая.

Радуйся, служению святых жен-мироносиц
подражавшая;

радуйся, многия жены во обитель милосердия
приведшая.

Радуйся, ко спасению сестер твоих мудрая
управительнице;

радуйся, обители твоея неусыпная хранительнице.

Радуйся, в подвизех телесных и духовных нас
укрепляющая;

радуйся, путь от земли на Небо нам показывающая.

Радуйся, светило милосердия, над градом Москвою
возшедшее;

радуйся, всех служащих ближним покровительнице.

Радуйся, благоверная княгине Елисавето,
преподобномученице достославная.

Кондак 6

Проповедница любви Божественная и милосердия
неистощимаго была еси в земли нашей, святая
Елисавето, благочестия ревнительнице, в сердцах людей
российских любовь ко Господу и милосердие к братьям
бедствующим возгреваючи. Темже и мы, твоим заветом

последующе, вкупе с сирыми и убогими Богу воспойм:
Аллилуиа.

Икос 6

Воссияла еси светом иноческаго жития в стране
Россійстей, преподобная мати наша Елисавето, в посте и
молитве, в ночных бдениих и строгом воздержании
пребываючи, благочестию и смирению сестры обители
твоея поучала еси. Мы же, тобою на путь тесный подвига
духовнаго наставляеми, убожаем тя:

Радуйся, путь равноангельнаго жития избравшая;
радуйся, в целомудрии чистоту сердца твоего
сохраняшая.

Радуйся, в нестяжании высоту духа твоего
показавшая;

радуйся, в послушании Богу и ближним
послужившая.

Радуйся, мудрая княгине и инокине пречестная;

радуйся, образе женам христианским.

Радуйся, постом, бдением и непрестанными
молитвами Богу угодившая;

радуйся, от сна греховнаго души наша
пробуждающая.

Радуйся, ко исполнению заповеди о любви к Богу и
ближним всех наставляющая;

радуйся, молитве теплой нас научающая.

Радуйся, наставнице инокиням и собеседнице
ангелом;

радуйся, в сонме преподобных жен на Небеси
прославленная.

Радуйся, благоверная княгине Елисавето,
преподобномученице достославная.

Кондак 7

Хотя́щи во́лю Господню́ творити, свя́тая Елиса́вето, на вся́кий час свою́ во́лю отсека́ла еси́, к со́вету пусты́нных ста́рцев Гаври́ила и Алекси́я притека́ющи и и́ны му́жи духоно́сныя вопроша́ющи, ихже му́дрыми наставле́нии жити́е во оби́тели милосе́рдия добре устро́яла еси́, непреста́нно с се́страми вызы́ающи Бо́гу: Аллилу́иа.

Икос 7

Но́вое чу́до показá Господь, егда́ дарова́ ти, свя́тая Елиса́вето, благода́ть и си́лу немощны́я исцеля́ти, безнаде́жныя утешáти, заблуждши́я вразумля́ти. Ты же, облегче́ние и отра́ду с любóвию пода́ющи, си́рым, забвёным и немощным смире́нно послужи́ла еси́. Те́мже и нас, убо́гих, твоёю моли́твою от страстей грехо́вных исцели́ и бу́ди нам ко спасе́нию управи́тельница, да благодарственнó воспое́м ти:

Ра́дуйся, в послуша́нии духо́вным отце́м и вели́ким ста́рцем поживша́я;

ра́дуйся, Вели́кая Ма́тушка людьми́ россия́скими нарече́нная.

Ра́дуйся, дар немощны́я ду́ши врачевáти от Бо́га стяжавша́я;

ра́дуйся, боля́щих от одра́ болéзни возставля́ющая.

Ра́дуйся, вдови́ц и сирóт благосе́рдая попечи́тельнице;

ра́дуйся, а́лчущих пита́тельнице и сущим в беда́х ско́рая заступни́це.

Ра́дуйся, все́ми презре́нных и отвёрженных не оставля́ющая;

ра́дуйся, мно́гия ду́ши от тьмы грехо́вныя и поги́бели спаса́ющая.

Ра́дуйся, уныва́ющим в ско́рбех и обстоя́ниях
му́драя утешительнице;

ра́дуйся, и нас, удруче́нных боле́знями и немощами,
укрепля́ющая.

Ра́дуйся, ка́ющимся грешником пред Го́сподем
предста́тельница;

ра́дуйся, лю́дем росси́йским богодарова́нная
помощнице.

Ра́дуйся, благове́рная княги́не Елисавето́,
преподобному́ченице достосла́вная.

Кондак 8

Стра́нное и стра́шное видение яви́ Господь
духовнику́ обители милосе́рдия иерею Митрофа́ну, ты
же, о святая́ ма́ти, си́е видение изъясня́ющи, прорекла́
еси́, я́ко ве́лие и гро́зное испытание грядёт на Це́рковь
Ру́сскую и держа́ву на́шу: святы́нь поругание, брань
братоубийственная, сму́та ве́лия, кончи́на му́ченическая
семейства царскаго; но помилу́ет Бог Росси́ю по
моли́твам святы́х ея́, с ни́миже ты ны́не воспева́еши
Бо́гу: Аллилу́иа.

Икос 8

Вся благода́тию Божественно́ю просвещáема, святая́
Елисавето́, мысленныма очима́ гневное посещение́
Бо́жие страны́ на́шей зре́ла еси́ и проро́чески вещала́ еси́,
я́ко мно́зи му́ченицы и испове́дницы в земли́ Ру́стей
возсия́ют. Те́мже все упова́ние на Бо́жию Ма́терь
возложити лю́ди росси́йстии призыва́ла еси́, ве́рующи,
я́ко моли́твами Ея́ устрои́тся и благослови́тся земля́
на́ша. Мы же, ве́дуще прорече́ния твоего́ о судьбе́
отчи́зны на́шей сбытие́, ублажа́ем тя си́це:

Ра́дуйся, храм Покровá Пресвяты́я Богоро́дицы во
обители́ воздвигшая;

ра́дуйся, в ру́це Пречи́стей Ма́тери обитель твою́
преда́вшая.

Ра́дуйся, хра́мов святы́х и благоле́пных
устройте́льнице;

ра́дуйся, к Богоро́дице неусы́пная моли́твеннице.

Ра́дуйся, храмы Бо́жии сосúдами и рíзами
благоукра́сившая;

ра́дуйся, я́ко се́рдце твоё обители́ю Свята́го Ду́ха
соделася.

Ра́дуйся, жити́ем сво́им Го́споду и Ма́тери Егó вёрно
послужившая;

ра́дуйся, все упова́ние на Бо́га возлага́ти нас
науча́ющая.

Ра́дуйся, кро́тость, ти́шину́ и мир се́рдца́м на́шим
пода́ющая;

ра́дуйся, благода́тными да́ры све́тло украше́нная.

Ра́дуйся, му́жественне ско́рби и клевету́
претерпе́вшая;

ра́дуйся, себе́ в же́ртву Бо́гу угото́вившая.

Ра́дуйся, благове́рная княги́не Елиса́вето,
преподобному́ченице досто́славная.

Кондак 9

Вся́ любóвию к Бо́гу пламене́ючи, святáя
Елиса́вето, не убо́ялася еси́, егда́ приидо́ша во обитель
твою́ лю́дие безбожнии, хотя́щие суд непра́веден над
тобо́ю соверши́ти. Ты же, Го́сподом сохра́няема, сме́рти
тогда́ избе́гла еси́, о вразумле́нии и просве́щении
неразу́мных и заблúждших моля́щихся, Бо́гу же во
благодарéнии воспева́ющи: Аллилу́иа.

Икос 9

Ветий человеческих устá не возмóгут достóйно восхвалити крѣпость любвѣ твоея во дни бед и напáстей великих, обышѣдших Отѣчество нáше, егда не восхотѣла еси покинути Россiю и обитѣль, тобою создáнную, сѣстры тоя за вѣру правослáвную дáже до смѣрти стояти увещавáющи. Мы же с любóвию восхваляем тя:

Рáдуйся, зѣмлю нáшу возлюбívшая;

рáдуйся, от людѣй правослáвных с любóвию прославляемая.

Рáдуйся, щитом вѣры ограждáтися нас научáющая;

рáдуйся, желание крѣстным путѣм слѣдовати в нас укрепляющая.

Рáдуйся, от рóва погíбели многия спáсшая;

рáдуйся, обитѣли твоей и граду Москвѣ покрóве и защítнице.

Рáдуйся, сѣстры обитѣли милосѣрдия в вѣре и надежди утвердívшая;

рáдуйся, на пóдвиг мученичества за Христá их настáвльшая.

Рáдуйся, приобщítися страстѣм Христóвым удостóившаяся;

рáдуйся, в пóдвиге исповѣдничества вѣрныя утверждáющая.

Рáдуйся, любви жѣртвенней, вѣчной нас научáющая;

рáдуйся, в радость Гóспода твоегó вшѣдшая.

Рáдуйся, благовѣрная княгiне Елисавето, преподобномученице достослáвная.

Кондак 10

Спасительнаго пóдвига ищущи, святая Елисавето, с радостию благодарила еси Бóга, яко сподóби ты понестí крест Егó. Тѣмже просия побѣдою вѣра твоя, егда, к

Голгофе своей восходящи, непрестанно возглашала еси: Слава Богу за вся! Умоли, о матери наша, да дарует нам Господь стяжати мудрость и силу за веру правую даже до смерти стояти и воспевати Ему едиными усты и единым сердцем: Аллилуиа.

Икос 10

Стена неборимая и заступление стране нашей даровая святая икона Божия Матере Державная, юже прияла еси во Обители милосердия, святая Елисавето, яко знамение победы над миродержителю тьмы века сего. Сего ради и мы, все упование на Державную Владычицу возложивше, тебе яко истинную служительницу и послушницу Пречистыя Матере Господа восхваляем:

Радуйся, исполненная благодати и силы Божия;
радуйся, избравшая благую часть, яже не отыметя от тебе.

Радуйся, в кротости и смирении Божией Матери подражавшая;

радуйся, яко мудрая евангельская дева елей благодати собравшая.

Радуйся, Пресвятая Богородицы благоговейная служительнице;

радуйся, у Престола Сына Ея непрестанная молитвеннице.

Радуйся, образ самоотвержения нам явившая;

радуйся, друг друга тяготы носить научающая.

Радуйся, скорбями и слезами в Царство Небесное возшедшая;

радуйся, любви и терпению в страдании сущих всех научающая.

Радуйся, ангельски на земли пожившая;

радуйся, на Небеси венец славы уллучившая.

Ра́дуйся, благове́рная княги́не Елиса́вето,
преподобно́мученице досто́славная.

Кондак 11

Пе́ние моле́бное Бо́жией Ма́тери возноси́ла еси́,
свята́я Елиса́вето, в день пра́зднования Йверския иконы́
Ея́, егда́ взяша тя нечести́вии и в темни́цу вверго́ша. Ты
же благодарíла еси́ Христа́ Бо́га на́шего, да́вшего тебе́ не
то́чию е́же в Него́ ве́ровати, но и е́же по Нем страда́ти, в
у́зах темни́чных воспева́ющи Ему́: Аллилу́иа.

Икос 11

Свет Божество́нный осия́ ты, страсотерпи́це свята́я
княги́не Елиса́вето, кúпно с подобно́мученицею
Варва́рою, о Христе́ сestroю́ твоёю, и с прóчими
страсотерпи́цы имени́тыми, егда́ в глубо́кий ров
низрину́ша вас нечести́вии. Ты же, ра́ны вели́каго кня́зя
Иоа́нна обяза́ющыи и страда́ния бли́жних облегча́ющыи,
воспева́ла еси́ свяще́нная песнопéния, за убива́ющих
си́це моля́щихся: О́тче, отпусти́ им, не ве́дят бо, что
творя́т. Уврачу́й и на́ших душ ра́ны, подобная́ ма́ти,
да с любóвию воспоём ти:

Ра́дуйся, мучени́ческую кончи́ну свою́
предуве́девшая;

ра́дуйся, страсотерпи́це великоименитая.

Ра́дуйся, Страсте́м Христо́вым приобщившаяся;

ра́дуйся, си́лою Божество́нною в страда́ниях
укрепля́емая.

Ра́дуйся, за мучи́телей сво́их, Христу́ подража́ющыи,
моли́вшаяся;

ра́дуйся, до са́мья кончи́ны твоея́ песнь Бо́гу
воспева́вшая.

Ра́дуйся, кро́вию своёю зéмлю Ру́сскую ороси́вшая;

ра́дуйся, со́нму но́вых му́ченик сопричтѣнная.

Ра́дуйся, я́ко ли́ку преподо́бных и пра́ведных жен
приобщѣлася еси́;

ра́дуйся, святы́х благове́рных княги́нь земли́
Ру́сская досто́йная сонасле́днице.

Ра́дуйся, же́ртво непоро́чная и благоприя́тная, Бо́гу
принесе́нная;

ра́дуйся, со все́ми святы́ми земли́ на́ша
торжеству́ющая.

Ра́дуйся, благове́рная княги́не Елиса́вето,
преподобно́мученице досто́сла́вная.

Кондак 12

Благода́ть источаю́т честни́и мо́щи ва́ша, святы́я
преподобно́мученицы Елиса́вето и Варва́ро, ихже от
пору́гания и безче́стия спа́сше, благоче́стивии лю́дие из
Росси́и во святы́й град Иерусали́м принесо́ша и в ве́си
Гефсиманийстей погребо́ша, иде́же мно́зи к ним
приходя́ще, ублажа́ют вас, воспева́юще Бо́гу, дивно́му во
святы́х Свои́х: Аллилу́иа.

Икос 12

Све́та небѣснаго и благоуха́ния чу́днаго храм святы́я
мироно́сицы Мари́и Магдали́ни во Иерусали́ме
исполнѣся, егда́ гроб с те́лом твои́м отве́рст бысть.
Те́мже ны́не Це́ркве Правосла́вныя ча́да вси ра́дуются и
лику́ют о Го́споде, притека́юще к чудото́чней ра́це
моще́й твои́х, преподно́мученице Елиса́вето, и
благодаря́ще просла́вльшаго тя Го́спода, пою́т си́це:

Ра́дуйся, я́ко мо́щи тво́я нетле́нием процвето́ша;

ра́дуйся, во Святу́ю Зе́млю те́лом принесе́нная.

Ра́дуйся, в саду́ молѣния Господня́ погребѣнная;

ра́дуйся, во хра́ме святы́я мироно́сицы упокоѣнная.

Ра́дуйся, явлéнием мо́щей твои́х Цéрковь Ру́сскую
возвесели́вшая;

ра́дуйся, су́щих в разсе́янии росси́йских люде́й
духо́вно укрепив́шая.

Ра́дуйся, я́ко Госпо́дь чрез мо́щи тво́я исцеляет
вся́кия ско́рби и боле́зни;

ра́дуйся, по морю́ житейскому́ плавающих тихое
пристанище.

Ра́дуйся, вене́ц добродéтелей собра́вшая;

ра́дуйся, сла́вою и че́стию от Бо́га венча́нная.

Ра́дуйся, Го́рняго Иерусали́ма блаже́нная
обита́тельница;

ра́дуйся, ко Иерусали́му Небе́сному́ всем нам
путеводи́тельнице.

Ра́дуйся, благове́рная княги́не Елиса́вето,
преподобному́ченице́ достосла́вная.

Кондак 13

О, вели́кая страсотéрпице, жен росси́йских
украше́ние и ра́досте на́ша, княги́не ми́лостивая
Елиса́вето, приими́ от се́рдца воздыха́ние на́ше, с
любо́вию тебе́ приноси́мое, и твои́м предста́тельством ко
Го́споду дух пра́выя ве́ры и благоче́стия в нас укрепí, в
добродéтели и милосе́рдии утверди́, помози́ крест
скорбе́й с терпéнием и наде́ждою понести́, в любви́ и
согласии́ наро́д наш сохрани́, да сподо́бимся в ра́дость
Го́спода вни́ти, со а́нгелы и все́ми святы́ми пою́ще Ему́:
Аллилу́иа.

Молитва 1

О, вели́кая княги́не, свята́я преподобному́ченице
Елиса́вето, Росси́йская похвало́, гра́да Москвы́

пресла́вное украше́ние и Святы́я Земли́ свяще́нное досто́яние!

Ты во дни жити́я твоего́ ве́ру, наде́жду, любо́вь неложны стяжа́вши, милосе́рдием к стра́ждущим све́тло просия́ла еси́. Терпéнием же скорбе́й и искуше́ний о́браз смире́ния бли́жним яви́вши, изгна́нием и страданьми жити́е увенча́ла еси́ и во Ца́рствии Небе́сном ны́не пребыва́еши.

Сего́ ра́ди мо́лим тя, страстоте́рпице свята́я, моли́твами твои́ми да́руй нам се́рдце смире́нное и покая́нное, милосе́рдие неоскудева́ющее, служе́ние бли́жним же́ртвенное, терпéние непоколе́блемое, му́жество в ско́рбех и обстоя́ниях неослабева́ющее, в стра́шный же час сме́ртный упова́ние твёрдое на Го́спода на́шего Иису́са Христа́, Ему́же подоба́ет вся́кая сла́ва, честь и поклонéние со Безнача́льным Его́ Отце́м, и Пресвяты́м, Благо́м и Животворя́щим Его́ Ду́хом ны́не и прѣсно и во ве́ки веко́в. **Ами́нь.**

Молитва 2

О, свята́я новому́ченицы Церкви Русския, вели́кая княги́не Елисавето и пречестна́я инокине Варва́ро, купно ева́нгельския за́поведи де́лом во оби́тели милосе́рдия соверши́вшия, ве́ры ра́ди правосла́вныя до сме́рти подвизавши́яся и до́брый плод в терпéнии страсте́й Христу́ прине́сшия! Моли́теса Ему́, я́ко победителю сме́рти, да утверди́т Це́рковь Ру́сскую Правосла́вную и Оте́чество на́ше. Се бо лука́вый враг воору́жается на ны, хотя́ нас погуби́ти в междоусо́бных бра́нех, ско́рбех, печале́х, боле́знях, ну́ждах и беда́х лю́тых. Умоли́те Го́спода низложи́ти вся немо́щныя де́рзости его́; ве́ру в сердца́х люде́й правосла́вных укрепите́, нам же мужества́ дар низпослите́, да, отвéргшеся себé и взéмше крест свой,

послѣдуем Христу́, распина́юще плоть свою́ со страстьми́ и похотьми́. Сохраните нас от всякаго зла, освятите пути́ жизни на́шея, даруйте покаяние нелицемерное, тишину́ и мир душам́ на́шим, испросите у Го́спода всем нам мытарствъ го́рьких и вѣчныя му́ки избавитися и Небѣсному Царствию наслѣдникомъ бѣти со всеми святы́ми, от века угодившими Бо́гу, да радующеся воздадимъ хвалу́, честь и поклонѣние Отцу́ и Сы́ну и Свято́му Ду́ху во вѣки веко́в. **А**ми́нь.